



LANDSSAMBAND HESTAMANNAFÉLAGA

Reglugerð um mótahald á Íslandi

Reglugerð um Úrskurðarnefndir,
spjaldareglur og agaviðurlög



REGLUGERÐ UM MÓTAHALD Á ÍSLANDI EFNISYFIRLIT

4. Reglugerð um Úrskurðarnefndir og dómstól ÍSí	3
4.1 Yfirdómnefnd	3
4.1.1 Yfirdómnefnd skal skipuð eftirtölum aðilum	3
4.1.2 Heimild til að leggja fram kæru á yfirstandandi móti	3
4.2 Agaviðurlög	4
4.2.1 Gildissvið	4
4.2.2 Brot á reglum	4
4.2.3 Skrá yfir agaviðurlög	4
4.2.4 Agaviðurlög	4
4.2.5 Framkvæmd agaviðurlaga	5
4.3 Úrskurðar- og aganefnd	5
4.4 Dómstólar ÍSí	6
4.5 Viðauki Spjaldareglur og agaviðurlög	7
4.5.1 Tegundir spjalda	7
4.5.2 Agaviðurlög	8
4.5.3 Áhrif spjalda á einkunnir og tíma	9
4.5.4 Tilkynningar / skráningar á spjöldum	10



REGLUGERÐ UM MÓTAHALD Á ÍSLANDI

4. Reglugerð um Úrskurðarnefndir og dómstól ÍSÍ

4.1 Yfirdómnefnd

Á öllum mótum starfar yfirdómnefnd, sem hlutast til um að mót fari eftir lögum og reglum LH og ÍSÍ. Hún veitir áminningar, sýnir mönnum gul eða rauð spjöld, eftir atvikum og vísar mönnum úr keppni, sé þess þörf. Yfirdómnefnd skal dæma keppendur í keppnisbann vegna brota á reglu Í1.7 (Dregið til baka úr keppni).

Yfirdómnefnd skal innan sólarhrings frá mótslokum, senda Úrskurðar- aganefnd LH mótsskýrslu, einnig skal hún samhliða skilum á mótsskýrslu til Úrskurðar- og aganefndar senda sérhverjum þeim sem getið er í mótsskýrslu upplýsingar um atvik sem varðar viðkomandi, vegna brota á lögum og reglum LH.

Yfirdómnefnd skal heimilt að senda inn kæru til Úrskurðar- og aganefndar, telji hún þess þörf.

Ákvarðanir Yfirdómnefndar um viðurlög vegna brota á reglum sem falla undir lið 4.2.4 (Dæmt úr leik og agaviðurlög) eru endanlegar og verða ekki kærðar til Úrskurðar- og aganefndar. Heimilt skal þó að kæra til Úrskurðar- og aganefndar ákvörðun yfirdómnefndar um að dæma keppanda í keppnisbann.

Um heimild til að leggja fram kæru, viðurlög sem heimilt er að beita keppendur og rétt þeirra til að áfrýja ákvörðunum dómara og/eða annarra starfsmanna móts til Yfirdómnefndar gilda ákvæði reglna 4.1.2, 4.2.3 og 4.2.4 hér að neðan.

4.1.1 Yfirdómnefnd skal skipuð eftirtöldum aðilum:

- a. Mótssjóra eða fulltrúa hans, áður tilnefndur af honum
- b. Meðlimi framkvæmdanefndar
- c. Yfirdómara eða meðlimi dómara starfsliðs, áður tilnefndur af honum
- d. Formanni keppnisnefndar LH eða fulltrúa hans, áður tilnefndur af honum.
- e. Talsmanni knapa, kosinn fyrir upphaf keppni af virkum keppendum. Ef finna þarf staðgengil knapa tekur knapinn með næstflest atkvæði úr kosningunni hans sæti. Á sérstökum barna- og unglíngamótum skal það vera æskulýðsfulltrúi LH (formaður æskulýðsnefndar) eða annar fulltrúi tilnefndur af mótshaldara.

Á mótum sem eru ekki World Ranking mót, er heimilt að yfirdómnefnd sé aðeins skipuð þremur aðilum, Yfirdómara, mótssjóra og fulltrúa knapa og skal yfirdómari vera formaður hennar.

4.1.2 Heimild til að leggja fram kæru á yfirstandandi móti.

Hver sá sem telur sig órétti beittan, birt dagskrá sé óréttlát eða brjóti á rétti keppenda (conditions of the schedule), eða vegna brota á lögum og reglum LH hefur rétt til að leggja inn kæru til yfirdómnefndar. Hið sama gildir um alla dómara, skipuleggjanda eða mótssjóra.

Kæru vegna ákvarðana dómara geta einungis verið byggðar á því að lög og reglur LH hafi verið brotnar eða reglur um óhlutdrægni.

Kæru þarf að leggja fram skriflega til mótssjóra í síðasta lagi hálf tíma eftir lok hlutaðeigandi keppnisgreinar, ásamt greiðslu tryggingar til mótshaldara, að upphæð kr. 28.000 eða jafnvirði í erlendri mynt, þar af skulu 7.000 kr. ávallt vera óendurkræfar. Kæru vegna tímatöflu eða framkvæmd keppnisgreinar þarf að leggja fram fyrir upphaf móts eða viðeigandi greinar. Endurkræfur hluti tryggingar skal endurgreiddur ef fallist er á að fullgildar ástæður séu fyrir kærinni.



REGLUGERÐ UM MÓTAHALD Á ÍSLANDI

4.2 Agaviðurlög

4.2.1 Gildissvið

Reglur varðandi það að menn séu dæmdir úr leik og agaviðurlög eru gildar á öllum mótum allt frá því að knapi og/eða hestur hans kemur inn á mótssvæðið í fyrsta skipti þangað til knapi og/eða hestur(hestar) hans fara af mótssvæðinu í síðasta sinn.

Knapi telst vera ábyrgur fyrir hesti (hestum) sem hann tekur þátt í keppni með á einhvern hátt.

4.2.2 Brot á reglum

Knapar og þjálfarar/fjölskyldumeðlimir/vinir/einstaklingar sem þeim tengjast skulu ávallt sýna háttvísi og hlíta kurteisissvenjum. Brot á keppnisreglum, siðareglum og/eða ósanngjörnum hegðun gætu fallið undir agaviðurlög.

Hver sá er sekur um brot á reglum sem:

- *Vanvirðir nafn sérsambands og eða íslenska hestsins (hestaiþrótt)*
- *Meðhöndlar hest á ósanngjarnan hátt, gerir of miklar kröfur til hans eða beitir hest ofbeldi*
- *Brýtur viðurkenndar meginreglur um dýravernd*
- *Keppir á hesti sem er greinilega veikur eða smitaður af sjúkdómi*
- *Notar óleyfileg frammistöðubættandi efni sem gætu haft áhrif á árangur hests eða knapa*
- *Hlítir ekki agareglum*
- *Beitir rangindum við skráningu eða þátttöku á mótum*
- *Brýtur siðareglur*
- *Brýtur íþróttareglur FEIF/LH eða almennar reglur FEIF/LH um keppni í tengslum við mótahald*

4.2.3 Skrá yfir agaviðurlög

FEIF heldur skrá yfir allar skýrslur um viðvaranir og keppnisbönn sem tilkynntar eru til FEIF, vegna brota á reglum sem lýst er í þessari grein.

Viðvaranir og keppnisbönn skulu birt á vefsíðu LH og tilkynnt af LH til FEIF þegar ákvörðun liggur fyrir. Tilkynning skal send FEIF með ábyrgðarbréfi fyrir lok ofangreinds frests eða tölvupósti. Ef tilkynning er send með tölvupósti, verður FEIF að staðfesta móttöku. Afrit tilkynningar skal einnig sent viðkomandi aðila/aðilum. FEIF tekur enga efnislega afstöðu til málsins að öðru leyti en því að ganga úr skugga um að ákvörðun stafi frá úrskurðarnefnd í aðildarríkinu, sem er til þess bær að taka viðkomandi ákvörðun.

Reglur um opinbera viðvaranir skulu einungis eiga við um knapa sem orðnir eru 18 ára (miðað við almanaksár) eða eldri á fyrsta degi móts.

4.2.4 Agaviðurlög

Eftirtalin viðurlög má nota ein og sér eða saman vegna brota á reglum skv. upptalningu í gr. 4.2.2:

- *Áminning (knapi)*
 - o *Alltaf tilkynnt af þul*
 - o *Gæti verið skráð hjá LH*
 - o *Gæti verið gert opinbert hjá FEIF*
- *Útilokun frá keppnisgrein eða hluta keppnisgreinar (keppnispar)*
- *Brottrekstur af móti (knapi)*
- *Keppnisbann (knapi)*

Áminning gæti leitt til þess að knapi verði sviptur titli í viðkomandi keppnisgrein, eftir ákvörðun yfirdómara.

Brottrekstur af móti hefur í för með sér að árangur knapans þurrkast út og knapi er sviptur verðlaunum og titlum sem hann hefur þegar hlotið á mótinu (ef við á), og ógildingu meta (sjá Í3.5). Þetta á einnig við um brot sem leiða til keppnisbanns meðan á móti stendur.

Brottrekstri af móti og keppnisbanni skal ávallt beita ásamt opinberri áminningu sem FEIF birtir. Agaviðurlögum er lýst nánar í gr. 4.5 Spjaldareglur og agaviðurlög.

[Íslensk sérregla] Ekki skal dæma keppendur yngri en 18 ára (miðað við almanaksár) í keppnisbann.



REGLUGERÐ UM MÓTAHALD Á ÍSLANDI

4.2.5 Framkvæmd agaviðurlaga

Dómurum á mótum, þ.m.t. yfirdómara, Úrskurðar- og aganefnd LH og mótsstjóra er heimilt að beita agaviðurlögum. Vallarstjóra er einnig heimilt að beita agaviðurlögum með samþykki yfirdómara. Nauðsynlegt er að fá niðurstöðu dýralæknisskoðunar áður en agaviðurlögum er beitt vegna smitsjúkdóma eða notkun á óleyfilegum efnum sem gæti haft áhrif á frammistöðu hestsins.

Ef einstaklingur sættir sig ekki við þau viðurlög sem hann er beittur getur viðkomandi áfrýjað niðurstöðunni sbr. kafla um almennar reglur um keppni, gr. A10.1 til A10.5.

Dómarar á mótum, þar með talinn yfirdómari, geta gefið spjöld sem gefa til kynna viðvaranir eða viðurlög (sjá gr. 4.5 Spjaldareglur og agaviðurlög). Þeim er einnig heimilt að beita viðurlögum utan keppni, þar sem spjaldanotkun er ekki nauðsynleg. Hver sá sem verður vitni að mögulegu broti á reglum skal upplýsa dómara um slíkt, svo hægt sé að grípa til viðeigandi ráðstafana.

Þegar spjöldum/viðurlögum er beitt vegna brota á reglum, getur yfirdómari ákveðið að láta þul tilkynna það opinberlega. Gul og rauð spjöld skulu alltaf tilkynnt af þul. Þulur tilkynnir ástæðu spjalda/viðurlaga aðeins með leyfi yfirdómara.

Þegar knapar undir 18 ára aldri sem hljóta spjöld/viðurlög, skal yfirdómari ávallt kalla til forráðamann/forráðamenn og útskýra fyrir þeim ástæðu þess að spjöld/viðurlög eru gefin, alvarleika brotsins og afleiðingar þess.

Yfirdómari getur ekki breytt ákvörðun annarra dómara varðandi spjaldanotkun.

4.3 Úrskurðar- og aganefnd

Úrskurðar- og aganefnd úrskurðar um brot á lögum þessum, reglugerðum og reglum LH og ákvarðar viðurlög, í samræmi við reglur Úrskurðar- og aganefndar. Einnig er heimilt að kæra til Úrskurðar- og aganefndar ákvarðanir yfirdómnefndar, að því marki sem þær eru ekki háðar endanlegu ákvörðunarvaldi Yfirdómnefndar. Þá getur Úrskurðar- og aganefnd veitt keppendum og starfsmönnum móta áminningar og dæmt keppendur í keppnisbann, í samræmi við reglur um Úrskurðar- og aganefnd sem stjórn LH setur.

Úrskurðir nefndarinnar skulu vera skriflegir og skulu kveðnir innan [14] virkra daga eftir að öll gögn og upplýsingar liggja fyrir. Ákvörðun eða úrskurðir um keppnisbann skal þó kveða upp innan [5] daga frá mótslokum. Úrskurðar- og aganefnd LH skal skipuð þremur aðalmönnum og tveimur til vara. Formaður skal vera löglærður. Nefndarmenn skulu skipaðir af stjórn LH, að loknu landsþingi, til tveggja ára í senn.

Nefndin starfar samkvæmt úrskurðar- og agareglum LH og skulu a. m. k. þrír nefndarmenn taka þátt í ákvörðun nefndarinnar og skal a. m. k. einn þeirra vera formaður eða varaformaður.

Um hæfi þeirra sem skipa Úrskurðar- og aganefnd skal farið eftir hæfisreglum stjórnarsýslulaga. Þeir sem skipaðir eru í Úrskurðar- og aganefnd skulu ekki eiga sæti í stjórn LH. Sé nefndarmaður í Úrskurðar- og aganefnd jafnframt stjórnarmaður í aðildarfélagi LH skal hann víkja sæti við meðferð máls sem snertir félagsmann þess félags.

Verkefni Úrskurðar- og aganefndar:

- a. *Úrskurðar- og aganefnd úrskurðar um brot á lögum og reglum LH á grundvelli mótsskýrslna frá Yfirdómnefnd og ákvarðar viðurlög í samræmi við reglur Úrskurðar- og aganefndar og lög og reglur LH.*
- b. *Heimilt er að kæra til Úrskurðar- og aganefndar ákvarðanir Yfirdómnefndar um áminningar og keppnisbann.*

Kæra til Úrskurðar og aganefndar skal vera skrifleg. Frestur til að leggja fram kæru skal vera 48 klst. frá mótslokum ef kæra varðar ákvörðun Yfirdómnefndar.

Í öðrum tilvikum ber að senda kæru til Úrskurðar- og aganefndar innan 48 klst frá því að kæranda varð ljóst eða hefði mátt vera ljóst um þau atvik sem hann telur að brotið hafi á réttindum sínum eða hagsmunum samkvæmt lögum og reglum LH.

Í þeim tilvikum þegar Úrskurðar- og aganefnd ákvarðar viðurlög vegna atvika sem getið er um í mótsskýrslu (og kæránleg eru til Úrskurðar- og aganefndar) og ekki hafa áður verið tekin til ákvörðunar Yfirdómnefndar, skal Úrskurðar- og aganefnd gefa aðila 48 klst. frest til að senda inn skrifleg mótmæli eða athugasemdir um það/þau atvik sem getið er um í mótsskýrslu, áður en ákvörðun er tekin.



REGLUGERÐ UM MÓTAHALD Á ÍSLANDI

Stjórn LH er heimilt að skjóta til Úrskurðar- og aganefndar öllum málum sem varðar brot á lögum og reglum LH í samræmi við ákvæði greinar 1.6.1 í lögum LH.

Um málsmeðferð fyrir Úrskurðar- og aganefnd vísast til reglna um Úrskurðar- og aganefnd.

Ákvarðanir Úrskurðar- og aganefndar eru kærnanlegar til Dómstóls ÍSÍ.

Stjórn LH er heimilt að setja nánari reglur um Úrskurðar og aganefnd LH, þar sem nánar er kveðið á um verkefni og starf nefndarinnar.

4.4 Dómstólar ÍSÍ

Dómstólar ÍSÍ hafa fullnaðarlögsögu í málefnum sem upp kunna að koma innan LH. Dómstólarnir starfa skv. lögum um dómstóla Íþróttá- og Ólympíusambands Íslands.



REGLUGERÐ UM MÓTAHALD Á ÍSLANDI

4.5 Spjaldareglur og agaviðurlög

Eftirfarandi töflur og skýringar eru formlega viðurkennd agaviðurlög til notkunar á hestaþróttaviðburðum FEIF og segja til um hvernig skuli tilkynna agaviðurlög og hvaða áhrif þau skulu hafa á einkunnir/tíma í sýningum.

4.5.1. Tegundir spjalda

- *Gult spjald; áminning*
- *Rautt spjald; alvarleg áminning*
- *Blátt spjald; heilbrigðisspjald*
- *Grátt spjald; ógild sýning*
- *Hvít spjald; boðað til dómarafundar*

Dómarar gefa spjöld í keppni.

Afleiðingar af bláu spjalda:

- *1 blátt spjald gefið; hestur þarf að fara í dýralæknaskoðun þegar keppni/sýningu lýkur*
- *2 eða fleiri blá spjöld gefin; hætta skal keppni/sýningu þegar í stað*

Afleiðingar af gráu spjalda:

- *2 eða fleiri grá spjöld gefin; sýning er dæmd ógild*

Afleiðingar af hvítu spjalda:

- *Yfirdómari ákveður afleiðingar af hvítu spjalda með tilliti til eðli og alvarleika atviks sem leiðir til notkunar spjaldsins*

Afleiðingar af gulu og rauðu spjalda:




- *Eins og lýst er í eftirfarandi köflum.*



REGLUGERÐ UM MÓTAHALD Á ÍSLANDI

4.5.2 Agaviðurlög




1. hluti: Gul spjöld

Fjöldi spjalda í sýningu ¹⁾	Skýring	Agaviðurlög / Disciplinary measure				
		Ógild sýning / Elimination			Dæmt úr leik / Disqualification	Keppnisbann / Suspension
		Sýning	Keppnisgrein (hringvöllur)	Keppnisgrein (skeiðbraut)	Á viðkomandi móti	Á næstu mótum
	Eitt gult spjald (gult)	Nei	Nei	Nei	Nei	Nei
 eða fleiri ²⁾	>=2 gul, gefin af >= 2 dómurum	Nei (almennt) Já (í skeiðgreinum án einkunna)	Nei	Nei	Nei	Nei
 eða fleiri x 3	3 x 2 gul á sama almanaksári	Já	Já	Já	Já	Já (Lengd keppnisbanns ákveðin af LH)

1) Forkeppni, úrslit og sprettur í skeiði eða skeiðkappreiðum telst til sýningar

2) Á einnig við ef eitt af spjöldunum er rautt spjald

2. hluti: Rauð spjöld

Fjöldi spjalda í sýningu ¹⁾	Skýring	Agaviðurlög / Disciplinary measure				
		Ógild sýning / Elimination			Dæmt úr leik / Disqualification	Keppnisbann / Suspension
		Sýning	Keppnisgrein (hringvöllur)	Keppnisgrein (skeiðbraut)	Á viðkomandi móti	Á næstu mótum
	Eitt rautt spjald (rautt)	Nei	Nei		Nei	Nei
 eða fleiri x 2	>=2 rauð, gefin af >= 2 dómurum	Já	Já	Já	Heimilt	Heimilt (Lengd keppnisbanns ákveðin af LH)
 eða fleiri x 2	2x 2 rauð á sama almanaksári	Já	Já	Já	Já	Já (Lengd keppnisbanns ákveðin af LH)



1) Forkeppni, úrslit og sprettur í skeiði eða skeiðkappreiðum telst til sýningar



REGLUGERÐ UM MÓTAHALD Á ÍSLANDI

4.5.3 Áhrif spjalda á einkunnir og tíma



1. hluti: Gul spjöld

Fjöldi spjalda í sýningu ¹⁾	Skýring	Áhrif á einkunnir (atriði) eða tíma			
		Forkeppni	Úrslit	Skeiðkappreiðar (einkunn)	Skeiðkappreiðar (tími)
	Eitt gult spjald (gult)	<= 4.5			● +0,5s (150m eða styttra) ● +1,25s (250m)
 eða fleiri ²⁾	>=2 gult, gefin af >= 2 dómurum				Enginn tími

1) Forkeppni, úrslit og sprettur í skeiði eða skeiðkappreiðum telst til sýningar

2) Á einnig við ef eitt af spjöldunum er rautt spjald

2. hluti: Rauð spjöld

Fjöldi spjalda í sýningu ¹⁾	Skýring	Áhrif á einkunnir (atriði) eða tíma			
		Forkeppni	Úrslit	Skeiðkappreiðar (einkunn)	Skeiðkappreiðar (tími)
	Eitt rautt spjald (rautt)	0	0	0	Enginn tími ef gefið á ráslínu/enda-marki eða tímatökukafla
	>=2 rauð, gefin af >= 2 dómurum	0	0	0	Enginn tími




1) Forkeppni, úrslit og sprettur í skeiði eða skeiðkappreiðum telst til sýningar



REGLUGERÐ UM MÓTAHALD Á ÍSLANDI

4.5.4 Tilkynningar /skráningar á spjöldum


1. hluti: Gul spjöld

Fjöldi spjalda í sýningu ¹	Skýring	Tilkynnt af þul	Skráð (há LH)	Tilkynnt opinberlega (FEIF)
	Eitt gult spjald (gult)	Já	Nei	Nei
 eða fleiri ²⁾	>=2 gul, gefin af >= 2 dómurum		Já	Heimilt
 eða fleiri x 3	3 x 2 gul á sama almanaksári	Já	Já	Já

1) Forkeppni, úrslit og sprettur í skeiði eða skeiðkappreiðum telst til sýningar

2) Á einnig við ef eitt af spjöldunum er rautt spjald

2. hluti: Rauð spjöld

Fjöldi spjalda í sýningu ¹	Skýring	Tilkynnt af þul	Skráð (há LH)	Tilkynnt opinberlega (FEIF)
	Eitt rautt spjald (rautt)	Já	Nei	Já
 eða fleiri	>=2 rauð, gefin af >= 2 dómurum		Já	
 eða fleiri x 2	2x 2 rauð á sama almanaks-ári	Já	Já	Já

1) Forkeppni, úrslit og sprettur í skeiði eða skeiðkappreiðum telst til sýningar